



## Publicaziuns dalla vischnaunca, jamna 22

### Votaziuns federalas e votaziun communal da dils 18 da zercladur 2023

**L'urna principala** en casa communal ei aviarta sco suonda:  
Dumengia, 18-06-2023, 09.00–11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 16 da zercladur 2023, allas 14.00**, tier l'administraziun communal (tel. 081 920 36 36).

#### Levgiament da votar

Mintga votant(a) ha la pussevkladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (basegna negina francatura) ni directamein fierer en la scaffa da brevs dalla casa communal.

Ils cedels da votar ston esser sil pli tard la dumengia, ils 18 da zercladur 2023 allas 11.00 tier l'administraziun communal.

**Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.**

Suprastonza communal

---

### Damonda da baghegiar

#### 2023-1049.000

##### Datum dalla publicaziun: 2 da zercladur 2023

Patrun: STWEG Parz. 1220, Gassa da Cuoz 7, 7186 Segnas  
Representant: STWEG Parz. 1220, Gassa da Cuoz 7, 7186 Segnas  
Intenziun: Tschentada d'ina casa da curtin e d'in Hot Pot  
Parcella: 1220 e 1618  
Adressa: Gassa da Cuoz 7, 7186 Segnas  
Zona: zona da habitar 2  
Zona da prighel: Negina

#### Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

---



---

### Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau ils suandonts projects:

**Nr. 2023-2033.000**

Banca Raiffeisen Cadi, Via Cons 1, 7180 Disentis/Mustér; construcziun d'ina senda per la missiun cristalla, montadi da differentes posts sin diversas parcelas el vitg ed a Funs-Clavaniev, 7180 Disentis/Mustér.

**Nr. 2023-2037.000**

Kraftwerk Russein AG, Via Tumvi Sut 16, 7162 Tavanasa; montascha d'ina antenna da comunicaziun, parcella 2940, Via Barcuns Dadens, 7180 Disentis/Mustér.

**Nr. 2023-2038.000**

Gion Michael Flury, Via Buretsch 1, 7186 Segnas; remplazzar la pegna dalla scrivania e construcziun d'in niev tgamin, parcella 373, Via Buretsch 1, 7186 Segnas.

**Nr. 2023-2039.000**

Tumaisch Fry, Via Caschuarz 2, 7180 Disentis/Mustér; construcziun d'in mir natural e lavurs da manteniment vid la via existenta, parcella 549, Via Caschuarz 2, 7180 Disentis/Mustér.

Uffeci da baghegiar Disentis/Mustér

---

### Brev da lectura «Punt pendent»

A caschun dalla seduta dil cussegl da vischnaunca dils 4 da matg 2023 ha quel deliberau il messadi pil project empermettent «Punt pendent» en tuts detagls ed acceptau cun gronda maioritad la damonda da credit. Quella punt colligia e possibilitescha viadis pli cuorts. Il medem mument daventa ella in'attracziun turistica sur ils cunfins da nies cantun ora.

Giuvens indigens ord differentas spartas professiunalas han cun bia engaschi persunal e savida dil fatg elavurau cun elan ed anim grond pass per pass la realisaziun dalla pli lunga punt pendent dil Grischun e quei tier nus a Disentis/Mustér.

Eis ei veramein prudent dad impedir in tal project visiunari entras il referendum? Secapescha ei quei in dretg democratic legitim. Ein votantas e votants daveras buca prompts da possibilitar in tal project attractiv e singular en nossa vischnaunca?

Quei spért da piunier da tut ils iniziants e simpatisants mereta nies sustegn.

Helga Probst-Linder - presidenta dil cussegl da vischnaunca

---



---

### Votaziun all'urna dils 18 da zercladur 2023

La suprastanza communal ei perschuada ch'il project dalla punt pendent porta a nossa vischnaunca sco era alla regiun ina plivalur turistica ed economica. Plinavon ei la punt ina colligiaziun segira ed independenta dil traffic d'autos per Mumpé Medel.

La contribuziun dalla vischnaunca da maximalmein frs. 390'000 (excl. cuosts da planisaziun da frs. 90'000) ei finanzialmein supportabla ed en cumparegliaziun cun l'investiziun totala dad frs. 1'900'000 mudesta. Cun immens engaschi voluntari ha l'uniun sut l'egida dil giuven Christian Loretz saviu recaltgar rodund frs. 1'400'000, quei che mereta nies sincer sustegn. Era ils cuosts da menaschi annuals calculai cun frs. 10'000 ein per nossa vischnaunca en quei rom acceptabels. Plinavon eisi da menziunar claramein che quella contribuziun unica ni periclitescha ni retarda auters projects ch'ei sin rucca.

La suprastanza communal sustegn l'iniziativa privata e propona alla populaziun da conceder la contribuziun necessaria per che la realisaziun da quell 'attractiva purschida en nossa vischnaunca sappi cuntinuar.

Engraziel fetg per Vies sustegn.

Suprastanza communal

---

### PREAVIS – Medel-Mustér-Tujetsch s'entaupan ella Academia Vivian a Stagias

Cultura, cant e musica da mintga vischnaunca accumpignau cun specialitads culinaricas.

#### **Sontgilcrest, ils 8 da zercladur 2023 allas 16.00**

Il transport vegn organisaus entras las vischnauncas. Nus supplichein Vus da s'annunziar entochen gliendisdis, ils 5 da zercladur 2023 tier l'administraziun communal, Carmen Wetzel sin 081 920 36 36 ni cwetzel@disentis.ch.

Il program detagliau vegn repartius en fuorma d'in fegl sgulont.

La sentupada ha liug mo da bialaura. En cass da dubi dat nr. 1600 (rubrica 1) sclariment.

Nus selegrein gia oz sin ina sentupada dalla Sursassiala.

Suprastanza communal Disentis/Mustér

---

### Center da rimnada a Raveras – Nova stadera e pressa

#### **Temps d'avertura matg/zercladur**

Muort lavurs da manteniment e lavurs per l'installaziun dil niev sistem da pesar cun ina pressa pils rufids blocconts resta il center da rimnada a Raveras serraus duront ils suandonts dis:

#### **– mesjamna ils 31 da matg 2023 entochen ils 3 da zercladur 2023**

#### **La part dils rufids blocconts resta plinavon serada entochen ils 11 da zercladur 2023 igl ulteriur ei aviert sco usitau.**

Naven digl 1. da zercladur dat ei buca pli las muldas darimnada da rufid bloccont e lenna. Tals rufids vegnan rimnai cun ina nova stadera e pressa. Tier quella stadera sa vegnir pagau cun ils mieds pli moderns sco: carta dad EC, carta da credit e Postfinance sco era Twint.

Duront ils 12 entochen ils 23 da zercladur stat ina persuna d'instrucziun mintgamai il suentermiezdi alla 14.00-17.00 uras (gliendisdis entochen venderdis) a disposiziun en cass da damondas.

Plinavon supplichein nus vus da purtar egl avegnir al center da rimnada Raveras rufids blocconts e lenna mo en pigns quantums, pli grondas cargas ei per tuts in avantatg da dismetter a Rueun ni fatschentas specialisadas per quei intent.

Bien engraziament per Voss'enconuschientscha.

Uffeci d'infrastructura e baghegiar



---

### Infurmaziun: Impediments da traffic sin la via sursilvana tranter Sumvitg e Mustér

La Viafier retica exequescha lavurs da fixaziun dal grip e mesiras da protecziun cunter crudadas da crappa sin la via sursilvana en il territori dal Grep da Ferm.

Dals **5 da zercladur fin ils 15 da fanadur** datti perquai impediments e temps da spetga fin 30 minutas sin la via sursilvana H19, e quai mintgamai davent da gliendisdi saira fin la sonda en damaun da las 22.00 fin las 05.30.

Per infurmaziuns stat la direcziun locala da construcziun, la firma tur ScRL, a disposiziun sut il numer 078 843 93 84.

La Viafier retica e l'Uffizi da gaud e privels da la natira engrazian per Vossa chapientscha.

Viafier retica Uffizi da gaud e privels da la natira

---

### Hinweis Verkehrsbehinderungen Oberalpstrasse zwischen Sumvitg und Disentis/Mustér

Die Rhätische Bahn führt auf der Oberalpstrasse im Gebiet Grep da Ferm Felssicherungs- und Steinschlagschutzmassnahmen aus. Vom **5. Juni bis 15. Juli** kommt es deshalb jeweils von Montagabend bis Samstagmorgen von 22.00 bis 05.30 Uhr zu Behinderungen und Wartezeiten bis 30 Minuten auf der Oberalpstrasse H19.

Für Auskünfte steht die örtliche Bauleitung, tur GmbH, unter Tel. 078 843 93 84, zur Verfügung.

Die Rhätische Bahn und das Amt für Wald und Naturgefahren danken für Ihr Verständnis.

Rhätische Bahn Amt für Wald und Naturgefahren

---

### Controlla da habitonts

#### Mortori

Gregori Maissen-Tomaschett, naschius ils 5 da fenadur 1942, morts ils 23 da matg 2023

#### Naschientschas

Mila Malu Monn, naschida ils 23.05.2023, feglia dad Andrea e Remo Monn

Madleina Schmidt, naschida ils 25.05.2023, feglia dad Anita e Paul Schmidt Administraziun communal

---



---

### Clom d'urgenza 118

Preziadas vischinas, prezias vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da personas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziel per Vies sustegn!

Vos Pumpiers Sursassiala

---

### Onn da scola 2023/24 – uraris e transports

#### Prezias geniturs, cars affons

Ils uraris da scola ed igl urari dils transports pil proxim onn da scola 2023/24 anfleis Vus sin la homepage da nossa scola: [nossascola.org](http://nossascola.org).

Ils geniturs dils affons da Segnas, Buretsch, Cuoz e Mompé Tujetsch dalla emprema scoletta 23/24 ston era UONN BUCA s'annunziar alla staziun da Mustér pigl abbonament dalla MGB.

Nus engraziein a Vus cordialmein per la fetg buna collaboraziun e Vies grondius sustegn duront igl onn da scola che va alla fin.

Da cor bialas e suleglivas vacanzas da stad!

Cordials salids e sin bien seveser

Nossa scola populara Mustér

---

### Lange Nacht der Kirchen

#### Kirche einmal anders

Begegnung - Austausch - Essen - Feiern - Tanzen - Staunen - Träumen - Gluschtige Grilladen - Film: «Amazing Sights of Mbara Oziomas college of technology».

Kinder malen Kühe an, Midlife Party. Disco Dancing - Kuchenbuffet - Sternschnuppensuppe in Zusammenarbeit mit der Pleiv s.Gions, Disentis.

18.00 - 24.00 Uhr, Gemeindezentrum Aua Viva, Disentis/Mustér

---

### Apparat d'udida

**Gliendisdis, ils 12 da zercladur 2023** saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el PUNTREIS, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG surprendan comunablamein quei survetsch gratuit per tuts interessents.

Ei drova negina annunzia.

---



---

### Chor mischedau Las vuschs dil Rein

Claudio Simonet ensemen cun ver 30 cantaduras e cantadurs selegran da Vossa viseta da nies concert da primavera «sin viadi» **dumengia, ils 11-6-2023** allas 16.00 en halla Cons. Sunter concert lein nus tgirar nos contacts persunals cun ina pintga stiva da caffè.

---

### Tir campester cun pistola

#### «Pre campester»

Sonda, ils 27-05-2023 denter las 18.00 – 20.30

Gliendisdis, ils 29-05-2023 denter las 18.00 – 20.30

#### Campester

Venderdis, ils 2-06-2023 denter las 18.00 – 20.30 e

sonda, ils 3-06-2023 denter las 9.00 – 12.00 e las 13.30 – 17.00

ha liug el stan da sittar a Sars Sut a Mustér il tir campester cun pistola. Il tir ei per tuts gratuits ed armas ein a disposiziun.

Club da pistola Cadi

---

### La Culturella

#### Negina presentaziun da Flurin Caviezel

Per motivs familiars ha la presentaziun da Flurin Caviezel sonda, ils 3 da zercladur 2023 allas 20.00 en halla Cons a Mustér buca liug. In auter datum per sia presentaziun a Mustér ei buca fixaus. A persunas che han gia pagau ils bigliets vegn l'entrada restituida ella Papetaria Andrea a Mustér, il post dalla prevendita.

La Culturella

---

### Ludoteca Disentis/Mustér e contuorn

#### Sera da giugs en ludoteca

**Mesjamna, ils 7 da zercladur 2023, 19.00–21.00**

\*\*\*

#### Di naziunal da giugs

**Sonda, ils 3 da zercladur 2023, naven dallas 13.30 – 16.30 en halla Cons.**

• casti da siglir • giugs per pigns e gronds, en spezial UNO • giugs per endadens ed ordaviert • vehichels per far rundas • pettas e bubrondas.

La Ludoteca ei aviarta!

**GRATUIT: abo da fuffernadi**

---



---

**Uniun da catschadurs Péz Alpetta**

**Salvament d'anseuls**

Preziai purs, ussa ei il temps che las cauras cavriel fan ansiel. Stedi setegnan ellas si cun lur anseuls en praus che vegnan segai. Aschia vegnan mintg'onn anseuls per la veta entras maschinas da segar. Cun pign engaschi san ins evitar quei. Purs che fan fein en loghens nua che cavreuls setegnan si, ein supplicai da s'annunziar tier nus in di avon che segar. Aschia savein montar mintgamai entginas bandieras el prau pertuccond. Entras il disturbi da quellas prendan las cauras ils anseuls ord il prighel. Annunzias saveis far tier il cau da tgira sut la numera 078 690 18 86 ni tier il guardiaselvaschina sut la numera 079 397 35 54.

Bien engraziament per vossa collaboraziun

Uniun da catschadurs Péz Alpetta:  
Il cau da tgira

---